

Kuglaski savez Federacije BiH
Upravni odbor KS FBiH
Komesar takmičenja
Tuzla 17.09.2025 godine

Na osnovu člana 12. Sportskog pravilnika KS BiH i odluka Skupštine KS Federacije BiH,
Upravni odbora KS Federacije BiH donosi

P R O P O Z I C I J E
za ekipno prvenstvo seniora u Prvoj ligi Federacije BiH za sezonu 2025/2026

I OPŠTE ODREDBE

Član 1.

U Prvoj ligi KS Federacije BiH takmičiće se klubovi po dvokružnom sistemu, jesen-proljeće. Prva liga Federacije BiH počinje **11.10.2025.** god. a završava **23.03.2026.** god. Takmičenje će se odvijati u disciplini **6 + 4 x 120** hitaca mješovito. Dozvoljeno vrijeme za seriju od **30** hitaca mješovito je **12 (dvanaest)** minuta. Ekipa broji **6 (šest)** igrača i **4 (četiri)** rezerve. Dozvoljena je zamjena **2 (dva)** igrača.

Član 2.

Prvu ligu Federacije BiH čine: KK“-Brotnjo Čitluk“- Čitluk, KK Vogošća, Vogošća, KK Tomislav-Tomislav Grad, KK“Mostar“, Mostar ,KK“Željezničar“ Sarajevo , KK“Blatnica“ Blatnica Čitluk, i KK“Maglaj-Maglaj.

Član 3.

Takmičenje će se odvijati u skladu sa:

- a. sportskim pravilnikom KS FBiH za kuglanje na 9 čunjeva – klasik;
- b. sudijskim pravilnikom KS FBiH;
- c. pravilnikom o registraciji KS FBiH;
- d. disciplinskim pravilnikom KS FBiH;
- e. ovim Propozicijama.

Sastavni dio Propozicija čine:

- a. kalendar takmičenja KS Federacije BiH;
- b. raspored i satnica utakmica;
- c. spisak igrača sa kontakt telefonima klubova i
- d. posebno uputstvo sudijama.

II ORGANIZACIJA TAKMIČENJA

Član 4.

Organizator takmičenja je Kuglaski savez Federacije BiH. Za realizaciju su zaduženi komesar takmičenja, sudijski komesar, disciplinski komesar, komesar za registraciju - sekretar KS FBiH. Komesar takmičenja rukovodi takmičenjem, vrši kontrolu zapisnika, registruje utakmice, rješava žalbe klubova kao prvostepeni organ, rješava zahtjeve klubova za odgađanje utakmica i vrši druge poslove predviđene Propozicijama i Pravilnicima KS Federacije BiH.

Sudijski komesar delegira sudije najmanje **2 (dva)** kola unapred, kontroliše rad sudija, riješava zahtjeve sudija po svim pitanjima i vrši ostale poslove i zadatke iz ovih Propozicija, Pravilnika i Odluka organa KS Federacije BiH.

Član 5.

Utakmice Prve lige Federacije BiH , kao glavne sudije, mogu suditi samo Savezne sudije, Sudije instruktori i Međunarodne sudije sa odgovarajućom licencom., izuzetno vise sudije po odluci sudijskog komesara.

Glavne sudije ne mogu biti članovi kluba koji nastupa na utakmici.

Sudije na stazi mogu biti članovi klubova koji nastupaju na utakmici ali ne mogu biti prijavljeni u zapisniku igrača i funkcionera sa te utakmice.

Izuzetno, u mjestu u kome nije moguće odrediti sudije na stazi a da nisu zvanična lica na toj utakmici, komesar suđenja delegiraće sudiju zapisničara ili sudije na stazi iz drugog mjesta, po mogućnosti najbližeg mjestu odigravanja utakmice.

Izuzetno, ukoliko ne dođe glavni sudija ili nema nekog sudije na stazi ili kompletne sudijske ekipe, međusobnim dogovorom ekipa i odlukom Takmičarske komisije na kuglani, odrediće se lice ili lica koja će obavljati te funkcije. (Utakmicu treba odigrati ukoliko postoji i minimalna mogućnost).

Član 6.

Ukoliko neki klubovi traže zamjenu glavnog sudije ili kompletne sudijske ekipe, može im se udovoljiti uz obavezu plaćanja svih troškova koji iz toga mogu proizaći. Zahtjev za izuzeće sudije-a mora se dostaviti komesaru suđenja najkasnije **8(osam)** dana prije utvrđenog termina za odigravanje utakmice.

Član 7.

Ukoliko na utakmicama pojedinih klubova bude nepravilnosti ili organizacionih propusta i ukoliko neke utakmice, po ocjeni komesara takmičenja, budu smatrane utakmicama "visokog rizika" (npr. utakmice za prvaka , potrebno je odrediti delegata a na trošak domaćina takmičenja.

Član 8.

Datum, mjesto i vrijeme odigravanja utakmica utvrđuje se rasporedom , satnicom i kalendarom. Utakmice Prve lige Federacije igraće se i subotom i nedeljom, a početak utakmice može biti u vremenu od **14 – 17** časova(Subota), radi prilagođavanja dolaska i povratka gostujuće ekipe. Ukoliko se utakmica igra u nedjelju, početak utakmice je u **12** časova.(osim za mjesta u kojima nije to moguće zbog igranja utakmica premijer lige BIH)

Gostujuća ekipa treba da ostvari kontakt sa domaćinom najkasnije do srijede u **22h** i dogovori početak utakmice ukoliko žele ugovoriti utakmicu van utvrđene satnice.

Ukoliko ne bude međusobnog dogovora smatraće se da utakmica počinje po satnici u rasporedu takmičenja. Ukoliko dogovorno promijene početak utakmice, uz odobrenje Komesara takmičenja, moraju obavijestiti komesara suđenja o toj promjeni.

Ovo ne važi za ona mjesta i kuglane gdje će se igrati veći broj utakmica u jednom kolu.

Početak tih utakmica biće unapred određen u rasporedu i satnici takmičenja.

Ukoliko se klubovi međusobno dogovore,utakmicu mogu igrati i prije ili poslije utvrđenog termina a dužni su obavijestiti komesara takmičenja najmanje **7(sedam)** dana ranije.

Član 9.

Utakmica se može odgoditi na zahtjev kluba u slijedećim slučajevima:

1. Ako jedan ili više igrača ima obavezu u reprezentaciji ili na međunarodnim takmičenjima za koje dobije dozvolu od Upravnog odbora KS FBiH;
2. Ako ekipa ne može doputovati zbog elementarnih nepogoda;
3. Ukoliko su dva ili više igrača oboljeli od bolesti prouzrokovane epidemijom.(Priložiti ljekarski pregled)

Član 10.

Zahtjev za odgađanje utakmice klub je dužan dostaviti komesaru takmičenja najkasnije **3(tri)** dana prije određenog termina a u slučaju elementarne nepogode ili epidemije **12(dvanaest)** časova prije početka utakmice uz obavezu da u roku od **72 (sedamdesetdva)** časa dostavi potrebne dokaze o opravdanosti zahtjeva.

Član 11.

Ukoliko se utvrdi da razlozi za odgađanje utakmice nisu bili opravdani, klub će utakmicu izgubiti službenim rezultatom i biće novčano kažnjen sa **1.000 (hiljadu) KM** i pokrenuće se disciplinski postupak protiv odgovornih lica.

Član 12.

Odgođena utakmica mora se odigrati u roku od 15 (petnaest) dana uz međusobni dogovor klubova a ako to nije moguće, novi termin odrediće komesar takmičenja.

Izuzetno uz odobrenje Upravnog odbora, odgođena utakmica mora se odigrati najkasnije prije zadnjeg kola jesenjeg dijela prvenstva.

Jednom odgođena utakmica ne može se ponovo odgađati a protiv kluba koji ne prihvati odluku komesara biće pokrenut disciplinski postupak.

Član 13.

Za utakmice zadnja **2 (dva)** kola obavezno odrediti delegata KSFBiH na onim utakmicama koje odlučuju o plasmanu za prvo mjesto.

Član 14.

Ekipa koja iz neopravdanih razloga ne dođe na utakmicu istu gubi službenim rezultatom i oduzimaju joj se **2 (dva)** boda, te se kažnjava novčanom kaznom u iznosu od **1.000 (hiljadu) KM**.

Član 15.

Novčanu kaznu klub je dužan uplatiti na račun KS FBiH kod Unicredit banke, broj: [3386902296773293](#) u roku od **5 (pet)** dana.

Ukoliko klub ne uplati novčanu kaznu slijedi automatska suspenzija i pokreće se disciplinski postupak.

Član 16.

Ako neka ekipa izgubi **2 (dvije)** utakmice službenim rezultatom, isključuje se iz daljeg takmičenja a njeni rezultati se brišu.

Član 17.

Ekipa koja ne nastupi u posljednja **2 (dva)** kola šampionata, kažnjava se novčanom kaznom od 1.000 KM i utakmice se registruju službenim rezultatom.

Član 18.

Utakmice Prve lige Federacije mogu se igrati na najmanje četverostaznim kuglanama koje prijave klubovi domaćini i koje pregleda komisija za kategorizaciju KS FBiH, a u izuzetnim slučajevima ukoliko tu Odluku donese Upravni odbor KS FBiH i na dvostaznim kuglanama.

III ORGANIZACIJA UTAKMICE

Član 19.

Sve ekipe dužne su na svakoj utakmici nastupiti u trenutno najjačem sastavu.

Član 20.

Utakmicom rukovodi takmičarska komisija na kuglani koja se sastoji od Glavnog sudije i po 1 (**jedan**) predstavnika ekipa koje igraju utakmicu (obično vođa ili kapiten ekipe).

Ukoliko TK na kuglani ustanovi neispravnost čunjeva, kugli, semafora, prljave staze, ili neodgovarajuća temperatura sudija ne smije dozvoliti početak odigravanja utakmice, dok se nepravilnosti ne otklone. Ukoliko se ne otklone u roku od jednog sata, glavni sudija proglašava pobjedu gostujuće ekipe.

Član 21.

a) Prijava ekipe

Predstavnik ekipe domaćina obavezan je 30 (trideset) minuta prije zakazanog početka utakmice, glavnom sudiji predati popunjenu i potpisanu prijavu domaće ekipe zajedno sa igračkim iskaznicama igrača iz prijave. (Uz prijavu se predaju sportske legitimacije igrača koje moraju biti produžene za tekuću sportsku godinu , te upisan i ovjeren ljekarski pregled.

Glavni sudija po primitku iste odmah pregledava, vizuelno da li je prijava ekipe propisno popunjena, te istu potpisuje i daje gostujućoj ekipi na uvid.

Predstavnik gostujuće ekipe obavezan je 20 minuta prije početka utakmice (10 minuta nakon što je dobio sastav domaće ekipe na uvid) glavnom sudiji predati popunjenu i potpisanu prijavu ekipe zajedno sa igračkim iskaznicama igrača iz prijave.

Glavni sudija po primitku iste odmah pregledava da li je prijava uredno popunjena , istu potpisuje i daje domaćoj na uvid.

Nakon toga detaljno pregledava prijave ekipa, ovjereni popis igrača s ljekarskim pregledom i igračke iskaznice, a potom iskaznice obavezno odlaže na svoj stol zajedno sa prijavama ekipa i to stoji kod glavnog sudije do kraja utakmice.

Ukoliko sudija primjeti neku od nepravilnosti bitnu za nastup igrača, taj igrač gubi pravo nastupa, o čemu je dužan obavijestiti predstavnika ekipe prije početka utakmice.

U prijavu ekipe za svaku pojedinu utakmicu upisuje se najviše 10 igrača.

Pri popunjavanju prijave ekipe, predstavnik ekipe treba čitko upisati ime i prezime igrača i broj registracije KSBIH, kao i preostale službene osobe. U slučaju nepotpunog broja igrača u prijavi sastava ekipe obavezno je na ta mjesta upisati "NEMA". Prijava se popunjava počevši od početka tako da eventualno prazna mjesta ostanu na kraju. Jednom prijavljeni sastav ekipe ne može se mijenjati i dopunjavati. Obavezno se moraju upisati predstavnik ekipe i kapiten ekipe. Kapiten ekipe mora biti jedan od prijavljenih igrača za utakmicu.

S lijeve strane prijave nalaze se redni brojevi od 1-6 (startni broj-pozicija za igru) a upisani poredak igrača od 1-6 (jedno je i redoslijed nastupa na utakmici).

b) Predstavljanje ekipa

Prije početka utakmice (10 minuta) obavezno je predstavljanje ekipa, u sportskoj opremi. Na predstavljanju moraju biti najmanje 6 takmicara iz svake ekipe, sto znaci da nije obavezno prisustvo svih prijavljenih igraca za utakmicu.

Ako glavni sudija ne izvrši predstavljanje isti će se kazniti odgovarajućom kaznom.

c) Zamjena igrača

Igrači koji izlaze na stazu prije uigravanja a nisu na prijavi ekipe u prvih šest ne smatraju se zamjenama(taktička zamjena).Igrači koji su na spisku u prvih šest a umjesto njih ulaze drugi nemaju pravo nastupa na toj utakmici.

Ova zamjena najavljuje se glavnom sudiji bez da protivnička ekipa zna raspored taktičkih zamjena i to : za prvi par (10 minuta) prije početka utakmice,a za drugi i treći par prije završetka nastupa igrača u predhodnom bloku.

Moguće su 2 zamjene na maksimalno dvije pozicije.Kod prijave zamjene igrača predstavnik ekipe predaje glavnom sudiji karticu Z1 ii Z2 te je u tom trenutku zamjena obavezna i mora se provesti odmah,a od iste se ne može odustati.U slučaju sprečenosti predstavnika ekipe zamjenu i karticu može predati glavnom sudiji bilo koja osoba koja je u delegaciji ekipe.Glavni sudija prilikom izmjene zaustavlja igru ,te igrač koji izlazi iz igre i onaj koji ulazi u igru idu na vrh položnice prilikom čega sudija najavljuje izmjenu.Glavni sudija evidentira izmjene u skladu sa propozicijama i sudijskim upustvom.Ako rezervni igrač uđe prije predstavljanja,tada se istog predstavlja zajedno sa ostalim igračima.Kod zamjene igrača koja se obavi za vrijeme trajanja prekida dužem od 15 minuta,rezervni igrač zajedno sa ostalim igračima ima pravo izvesti pet hitaca u pune.

Član 22.

Obrazci za vođenje utakmice su:

- | | |
|---|--------------|
| 1. PRIJAVA ----- | 2. primjerak |
| 2. ZAPISNIK IGRAČA ZA 120 HITACA ----- | 2. primjerka |
| 3. ZAPISNIK SA UTAKMICE (zbirni zapisnik) ----- | 3. primjerka |
| 4. IZVJEŠTAJ GLAVNOG SUDIJE ----- | 2. primjerka |

Obrazce za utakmicu domaća ekipa dužna je predati glavnom sudiji **30 (trideset)** minuta prije početka utakmice.

Član 23.

Kašnjenje ekipe, iz opravdanih razloga, glavni sudija će tolerisati do **60 (šezdeset)** minuta. Ukoliko neka ekipa ima problema u dolasku (kvar na prevoznom sredstvu, saobraćajni zastoj, kašnjenje autobusa i sl.) mora o tome obavijestiti drugu ekipu ili glavnog sudiju utakmice. Ako nema obaviještenja glavni sudija će, nakon čekanja od **30 (trideset)** minuta, proglasiti prisutnu ekipu za pobjednika – službenim rezultatom.

Član 24.

Klub domaćin dužan je:

- da obezbijedi ispravnost kuglane, rekvizita, opreme i pribora te njihovu čistoću;
- da obezbijedi dežurno tehničko lice;
- da preda sudiji potrebne obrazce za vođenje utakmice;
- da obezbijedi tablu ili grafikon za ispisivanje rezultata;
- da vodi računa o održavanju reda i ponašanju publike;
- da istakne zastavu BiH na primjerenom mjestu;
- da pomogne gostujućoj ekipi oko smještaja ili ishrane ukoliko to bude tražila;
- da obavijesti MUP o odžavanju utakmice.

- i. da obezbijedi računar,printer i internet pristup kako bi sudije odmah posle završetka utakmice poslali Zapisnik sa utakmice,kao i sudijski izvještaj.
- j. da obezbijedi da staze moraju biti namazane i naglancane,a čunjsko postolje prskano prije početka utakmice i to uz prisustvo glavnog sudije.

Član 25.

Ukoliko klub domaćin ne ispuni svoje obaveze, glavni sudija u svom izvještaju, dužan je evidentirati propuste.

Komesar takmičenja će preduzeti potrebne mjere iz svoje nadležnosti za eventualno učinjene propuste.

Ukoliko klub domaćin ne obezbijedi tehničko lice na kuglani, sve posljedice koje mogu nastati idu na trošak domaćina – organizatora utakmice.

Kazna za lošu organizaciju utakmice iznosi **500** (petstotina) KM i kažnjeni klub dužan je navedeni iznos uplatiti na račun KS FBiH u roku od **8 (osam)** dana.

Ukoliko na vrijeme ne uplati navedeni iznos slijedi suspenzija i pokretanje disciplinskog postupka.

Ako dođe do prekida utakmice zbog nesportskog ponašanja igrača, rukovodilaca ili gledalaca, odgovorni klub biće kažnjen novčanom kaznom od **2000** (dvijehiljade) KM a protiv odgovornih lica biće pokrenut disciplinski postupak i ekipa utakmicu gubi službenim rezultatom **2:0 (8:0)**.

Član 26.

Ukoliko se prije odigravanja utakmice dogodi da se utakmica ne može odigrati zbog neispravnosti kuglane ili nekog drugog razloga, klub domaćin dužan je o tome obavijestiti komesara takmičenja najmanje **12 (dvanaest)** časova prije utvrđenog termina za odigravanje utakmice.

Član 27.

Ukoliko klub domaćin na vrijeme ne obavijesti komesara takmičenja o otkazivanju utakmice, gubi utakmicu službenim rezultatom **2:0 (8:0)** i nadoknađuje troškove službenim licima kao da se utakmica odigrala.

Član 28.

Ekipa može nastupiti sa najmanje **5 (pet)** igrača.

Ekipa nastupaju sa po **2 (dva)** igrača u bloku prema redosljedu datim u prijavi,a u skladu sa članom 21. ovih propozicija.

Igrači domaće ekipe stalno startaju sa staza **1 i 3** a igrači gostujuće ekipe sa staza **2 i 4**.

Staze se mjenjaju po sistemu: **1-2-4-3; 2-1-3-4; 3-4-2-1; 4-3-1-2.**

Član 29.

Svi igrači jedne ekipe moraju nastupiti u jednoobraznoj opremi (dres sa nazivom kluba, sportske gaćice i sportske čarape) i patikama.

Sekundanti i treneri, takođe moraju imati sportsku opremu kluba (gornji dio trenerke ili dres sa nazivom kluba) i patike.

Sekundant može biti bilo koje lice koje je navedeno u prijavi za utakmicu.

Član 30.

Sekundantu nije dozvoljeno sekundirati više od jednom igraču.

Sekundant ne može mjenjati mjesto u toku jedne serije bacanja. Sekundant ne može preuzeti ili završiti dužnost u toku jedne serije bacanja. Ako nema sekundanta ne može se podnijeti prigovor sudiji za eventualno pogrešno vrednovan hitac. Sekundant ne smije ulaziti ili stajati u takmičarskom prostoru. Treneri mogu kontaktirati sa igračima samo preko sekundanta i tako da ne ometaju protivničke igrače, sekundante i sudije na stazi.

Ako trener sekundira igraču – postaje sekundant, može sekundirati samo jednom igraču u toku serije od 30 hitaca.

Za prekršaj iz sporskog pravilnika sekundant se kažnjava isključenjem sa staze do završetka svih serija koje bace igrač iza kojeg je sjedio. Ukoliko isti sekundant napravi i drugi prekršaj kažnjava se crvenim kartonom i isključuje iz svih drugih sekundiranja.

Organizator (domaćin) dužan je obezbijediti mjesto za sekundanta pored sudije na stazi.

Član 31.

10 (deset) minuta prije početka utakmice **OBAVEZNO** je postrojavanje ekipa u sportskoj opremi, za predstavljanje i pozdrav publici.

Na postrojavanju moraju biti prisutni najmanje 6 igrača iz svake ekipe.

Ukoliko se razmjenjuju pokloni između ekipa, to čine kapiteni ekipa na postrojavanju, poslije predstavljanja i pozdrava publici.

Sportski pozdrav izvodi se na znak kapitena ekipe riječima **ZDRAVO** glasno izgovorenim od svih igrača ekipe.

Prije početka nastupa igrači imaju pravo na **5 (pet)** minuta zagrijavanja – probni hici u pune.

Poslije predstavljanja igrači nesmiju napuštati takmičarski prostor bez odobrenja glavnog sudije.

Rezervni igrači nemaju pravo zagrijavanja osim ako nastupe od prvog hica u bloku.

Kada utakmica počne, ne može se mijenjati raspored igrača.

Kod zvaničnih lica na utakmici mobilni telefon mora biti isključen sa mreže. Igrač koji bude za vrijeme bacanja imao uključen mobilni telefon kažnjava se disciplinskim žutim kartonom. Ako telefon bude uključen i zazvoni sudijama na stazi isto će glavni sudija kontatovati u zapisniku.

Član 32.

Ako u toku utakmice dođe do kvara na jednoj stazi, utakmica se može nastaviti, međusobnim dogovorom ekipa, na **2 (dvije)** staze.

Član 33.

Ukoliko je kvar takav da se utakmica ne može nastaviti i odigrati (nestanak el. energije duže od **120** minuta ili saznanja da neće doći za duži vremenski period ili se kvar ne može otkloniti u navedenom vremenu) utakmica se prekida i evidentiraju pozicije kod prekida i odmah se treba dogovoriti oko termina nastavka utakmice. Dogovorom ekipa sa glavnim sudijom, ukoliko je odigrano najmanje **75 %** utakmice, utakmica se može registrovati rezultatom koji je postignut prije prekida i to glavni sudija mora napisati u svom izvještaju uz potpis predstavnika obje ekipe na zapisniku i sudijskom izvještaju. (Ovo ne važi za utakmice "visokog rizika" član 7.ovih propozicija.).

Ukoliko se utakmica nastavlja u novom terminu ekipe se ponovo prijavljuju (igrači koji nisu završili nastup ili nisu igrali) a redosljed ne mora biti isti kao kod prekida utakmice, s tim da igrači koji su završili nastup prije prekida, ne mogu nastupiti.

Troškove nastavka utakmice snosi domaća ekipa.

Član 34.

Napomena za organizatora:

TREBA SPRIJEČITI:

- slikanje blicom za vrijeme igre;
- ometanje igrača raznim instrumentima (pištaljke, trube, bubnjevi), lupanje o stolove, staklo, lupanje nogama i sl.

U interesu kuglaškog sporta je **OMOGUĆITI** TV ekipama i reporterima nesmetan rad.

Organizator je odgovoran za očuvanje reda i mira u sportskom objektu.

Član 35.

Eventualne sporove koji se mogu pojaviti na samoj utakmici riješava takmičarska komisija na kuglani odnosno glavni sudija.

IV NAČIN BODOVANJA I UTVRĐIVANJE POBJEDNIKA

Član 36.

Ukupan broj **POENA** na utakmici je **8 (osam)**.

Igra se: **IGRAČ NA IGRAČA**.

Svaka serija, od **30** hitaca, posebno se boduje. Igrač koji obori više čunjeva, u seriji, osvaja **1(jedan) POEN**. Ako je isti broj oborenih čunjeva, u seriji, svaki igrač osvaja **0,5 (pola) POENA**. Igrač koji u **4 (četiri)** serije osvoji više poena (**najmanje 2,5**), osvaja **1 (jedan) MEČ POEN** za ekipu.

Ukoliko je u serijama bilo nerješeno (**2:2**), **MEČ POEN** za ekipu osvaja igrač koji je oborio više čunjeva. Ako je broj oborenih čunjeva isti, svaki igrač osvaja **0,5 (pola) MEČ POENA** za ekipu.

Ekipa koja obori više čunjeva osvaja **2 (dva) MEČ POENA**. Ako su ekipe oborile jednak broj čunjeva, svaka ekipa osvaja po **1(jedan) MEČ POEN**.

Rezultat u **MEČPOENIMA** može biti od **8 : 0 do 4 : 4**.

Pobjednik je ona ekipa koja osvoji **4,5 (četiri i po)** ili više **MEČPOENA** i za pobjedu dobija **2 (dva) BODA**. Ukoliko je rezultat u **MEČPOENIMA 4 : 4**, svaka ekipa dobija po **1 (jedan) BOD**.

V UTVRĐIVANJE PLASMANA I OSVOJENA PRIZNANJA

Član 37.

Poredak na tabeli određuje broj osvojenih bodova a zatim bolji skor osvojenih poena.

Na kraju prvenstva poredak na **TABELI** se određuje prema:

1. broju osvojenih **BODOVA**
2. skoru **MEČ POENA** u međusobnim susretima;
3. skoru **SET POENA** u međusobnim susretima
4. većem broju oborenih čunjeva u međusobnim susretima.

Ukoliko su svi parametri isti, za prvaka ili ispadanje igra se **MAJSTORICA** na neutralnom terenu koji će odrediti komesar takmičenja.

Član 38.

Prvoplasirana ekipa Prve lige Federacije Bosne i Hercegovine ostvaruje plasman u Premijer ligu

VI SUDIJE

Član 39.

Glavni sudija odgovoran je za odigravanje utakmice u skladu sa pravilnicima KS FBiH, KS BiH i propozicijama a detalje će dobiti u uputstvu za rad sudija od komesara suđenja.

Glavni sudija treba da organizuje slanje zapisnika i sudijskog izvještaja do komesara takmičenja odnosno generalnog sekretara KSFB BiH (poštom ili po nekom članu ekipe).

Po završetku utakmice, glavni sudija, je obavezan telefonom dostaviti rezultat utakmice i pojedinačne rezultate igrača na tel/062-377-437 (komesar takmičenja) ili email:joguncic@outlook.com . Takode izvjestaj sa svake utakmice se dostavlja u kancelariju Kuglaskog saveza Federacije BIH, sekretaru Kerla Bibija mob/vib 065281630 ili e-mail adresa: bibakerla@yahoo.de

Sudijski izvještaj i ekipni zapisnik moraju biti poslani najkasnije **1 Sat** poslije utakmice.

VII PRAVILNIK PONAŠANJA IGRAČA

Član 40.

1. Nije dozvoljeno čekati određene kugle i uzimati kugle u pokretu;
2. Sredstva za lijepljenje i bolju kontrolu kugle smiju se upotrebljavati ali upotreba Sredstava iz spreja nije dozvoljena;
3. Igrač ima pravo markerom (lijepljivom trakom koja se lako skida) označiti mjesto polaska **PORED** daske položnice;
4. Igrač ne smije prijeći liniju takmičarskog prostora;
5. Igrač ne smije kuglu polagati na stazu;
6. Zabranjeno je dodirivanje poda rukom ili koljenom, naslanjanje na kuglovd ili zid (izuzetak je pad);
7. Igrač ne smije baciti kuglu prije nego što se upali zeleno svijetlo na semaforu ili bez dozvole sudije.

Nesportsko ponašanje je:

- kada igrač i nakon opomene sudije ne počne sa igrom ili je ne nastavlja;
- ne priznaje odluke sudije;
- ometa protivnika;
- glasno priča, galami, pljuje i sl.;
- diskutuje sa gledaocima;
- vrijeđa gledaoce, funkcionere ili sudije.

Član 41.

Delegirane sudije dužne su na vrijeme doći na utakmicu, najmanje **45 (četrdesetpet)** minuta prije početka a ukoliko su spriječeni da dođu na utakmicu dužni su obavijestiti komesara suđenja da može odrediti zamjenu.

Krajnji rok za traženje zamjene je **3 (tri)** dana prije odigravanja utakmice za koju su određeni. Sudija može i sam naći zamjenu koju mora potvrditi sudijski komesar.

VIII PREKRŠAJI

Član 42.

Igrač koji napravi dva disciplinska prekršaja na utakmici i za njih bude sankcionisan (žuti i crveni karton) automatski se suspenduje i nema pravo nastupa na dvije utakmice a u roku od **15 (petnaest)** dana pokreće se disciplinski postupak.

Ukoliko disciplinski postupak ne bude pokrenut igrač ima pravo nastupa poslije **15 (petnaest)** dana odnosno **2 (dvije)** utakmice neigranja.

Igrač koji na dvije utakmice dobije disciplinski karton (**žuti**), automatski se suspenduje i nema pravo nastupa na slijedećoj utakmici.

Za teže disciplinske prekršaje obavezno se provodi disciplinski postupak i utvrđuje kazna u skladu sa pravilnicima KS F BiH i KS BiH.

Član 43.

Igrač koji je isključen **NEMA** pravo zamjene (**ukoliko zamjene nisu iskorišćene**).

IX ŽALBENI POSTUPAK

Član 44.

Žalbe se najavljuju glavnom sudiji u toku ili odmah po završetku utakmice.

Žalbe se najavljuju u sudijskom izvještaju uz potpis predstavnika kluba koji se žali.

Ekipe koje su najavile žalbu dužne su na račun KS F BiH uplatiti iznos od **200 (dvije stotine) KM**, te dostaviti potrebnu dokumentaciju u roku od 3 (tri) dana.

Član 45.

Ukoliko komesar takmičenja nema dokaza o izvršenoj uplati takse, žalba se neće razmatrati.

Član 46.

Ako žalba uđe u proceduru rješavaće se na osnovu Pravilnika za kuglanje na 9 čunjeva – Klasik, Propozicijama takmičenja i drugih Pravilnika KS FBiH i KS BiH.

X REGULISANJE TROŠKOVA

Član 47.

Svi klubovi su dužni da odmah prije početka lige uplate članarinu KS FBiH u iznosu od **300,00 KM** u skladu sa odlukom Skupštine KS FBiH na naznačeni račun KS FBiH.

Kotizacija za Prvu ligu Federacije u sezoni 2025/2026. godine iznosi **800,00 KM (OсамstoKM)** i može se uplaćuje se u dva jednaka dijela i to: **400,00 KM do početka prvog kola lige, a drugi dio od 400,00 KM do drugog dijela lige.**

Uplate za članarinu i kotizaciju uplatiti na račun KS Federacije BiH: Unicredit banka, broj rn: [**3386902296773293**](https://www.unicredit.ba/), sa naznakom članarina i kotizacija.

Ekipe su dužne da na utakmici prvog kola lige i nastavka takmičenja, glavnom sudiji, podnesu dokaz o uplati kotizacije u suprotnom neće moći nastupiti na utakmici i izgubiće je službenim rezultatom uz sprovođenje disciplinskog postupka za odgovorna lica. Potvrdu za plaćanje članarine i kotizacije sudije mogu tražiti i od sekretara Kuglaškog saveza Federacije BiH .

Član 48.

Domaća ekipa trpi troškove kuglane i službenih lica na utakmici.

Član 49.

Sudijska taksa za tročlanu sudijsku ekipu iznosi **90** (devedeset) KM, plus putni troškovi za glavnog sudiju i to:

GLAVNI SUDIJA ----- 50 (pedeset) KM , plus putni troškovi.

SUDIJE NA STAZI ----- 2 x 20 (dvadeset) KM.

Ukoliko se delegira sudija zapisničar, taksa se uvećava za **30** (trideset) KM.

Ukoliko utakmica traje duže (kvar jedne ili dvije staze a igra se dalje) troškovi suđenja se povećavaju u odnosu na satnicu (6 KM po satu za svakog člana sudijske ekipe).

Sudije imaju pravo na putni trošak ukoliko nisu iz mjesta gdje se igra utakmica. Putni trošak u visini autobuske karte ili **10 %** od cijene goriva po km ili **20 %** od cijene goriva po km, ako se voze najmanje dva službena lica.

Zbog smanjenja troškova, komesar suđenja delegiraće glavne sudije iz mjesta gdje se utakmica igra ili mjesta koje je najbliže odigravanju utakmice.

Dnevnicu za službena lica iznosi **45 (četrdesetpet) KM**. Od **8-12** sati naplaćuje se **50 %** ili **22,50 KM**. **Do 8 (osam) sati ne može se naplatiti dnevnicu!**

Troškove za službena lica, domaća ekipa, isplaćuje prije početka utakmice. Troškovi utakmice se isplaćuju glavnom sudiji ili sudiji zapisničaru ukoliko je delegiran.

XI ZAVRŠNE ODREDBE

Član 50.

Tumačenje ovih propozicija u nadležnosti je **Komesara takmičenja** koji riješava prigovore i žalbe u prvostepenom postupku.

U drugostepenom postupku žalbe riješava **Upravni odbor KS Federacije BiH**.

Na odluku Upravnog odbora može se uputiti prigovor **Sportskoj arbitraži KS Federacije BiH** čija je odluka konačna.

KOMESAR TAKMIČENJA

UPRAVNI ODBOR KS FBIH